

重修兩淮鹽法志

兩淮鹽法志卷一百六

徵權門

漕院抽釐

自粵捻交乘江北紛紛置帥度支無出率責望於淮
是時淮南設局抽稅而自場運壩尙未起捐於是漕督
皖帥始議按引輸將每引納錢四百文蓋亦不得已之
政也迨軍事大定商力耗竭綰筴政者據情入告悉予
豁除乃留百文充地方善舉恤商情而濟公用蓋兩得
之矣志漕院抽釐

咸豐十一年四月漕運總督王夢齡札運司江北糧臺及

清淮防局餉需支絀日甚一日北臺則入不敷出清淮則更無餉源不能不取給於釐捐以資貼補近來各行貿易無論坐賈行商無不抽釐濟餉惟鹽務之垣商並未捐輸自應分別一體抽收除淮北各場現擬飭令酌捐鹽斤外查淮南通泰兩屬每年約可收鹽一千三百萬桶該管鹽場衙門均有旬報可查今擬勸令垣商於收買竈鹽時除例給桶價外每桶加捐錢十文由場員收解總局彙繳俟捐有成數准其按照捐數給獎核計每引所加成本不過百文且於場商捐數不致滋累而積少成多軍需可資接濟所有此項捐款應卽歸北臺

清淮局均勻分提濟餉旋經運司喬松年詳覆淮南鹽務見雖大非昔比而通泰二十場究屬完善之區連年風鶴頻驚各場竈均得如常安堵皆恃清淮籌防之密揚營守禦之嚴今清淮防局與江北糧臺軍餉支絀同一艱窘各垣商素著急公自當情殷報效按桶捐輸惟憲劄內開通泰兩屬每年約可收鹽一千三百萬桶此係鹽務極盛之時產數自咸豐三年以後長江梗阻鹽無銷路各場亭斂大半荒廢經聯前司於七年親赴各場清查盤斂不足十分之三當經詳奉前督鹽憲何奏明應就實存盤斂實力稽煎每年通泰兩屬照額產足

共應產鹽一百二十四萬餘桶此時勸令捐輸不能查
照從前產數計算至桶價責成場員收解固無不可惟
各場鹽數有多寡之分程途有遠近之別參差不齊散
而難稽不若歸棧扣收簡而易辦查見在稅鹽章程每
鹽一引例准五桶開除擬卽責成棧商售一引鹽扣繳
垣商捐輸桶價錢五十文其錢徑解運庫由司隨時委
員分解清淮防局江北糧臺勻分濟用俟捐有成數准
其按照捐數給獎如此隨課收捐旣可免催收提解之
煩並以杜偷漏虧挪之弊實於軍餉有裨經漕督批准

咸豐十一年五月

欽差大臣袁甲三奏臣營餉需支絀一切艱難困苦久在

聖明洞鑒之中無論見值皖中多事逐日出隊萬不能枵腹荷
戈卽皖事布置周妥臣抽兵赴徐亦斷不能無米爲炊
而由皖至徐數百里一片焦土實無籌餉之法不得不
藉資鄰境臣聞淮南粟鹽見在銷路頗暢除完納鹽課
外僅有長江設局抽釐取諸各販其由場買運至泰壩
者名曰運商沿途並無釐捐臣飭委新授福建汀漳龍
道徐曉峯會同兩淮鹽運使喬松年體察情形酌量抽
收稍濟臣營軍食茲據該司道覆稱深知商情大不如
前而皖軍與江省呼吸相通卽安危與其見在兵勇艱

苦日甚一日不得不統籌兼顧與總商同知何銑再三規畫以臣言尙可試行不致病商擾民亦與江南江北軍餉無礙並云此項釐捐由臣發給聯票責成該運司隨課收解臣營祇須委員於泰州之西湖嘴趙公橋兩處設局查驗截角挂號並不驗貨收錢以免偷漏而節糜費等情前來臣查江蘇本有應解臣營月餉二萬自上年蘇常失守無款批解至今並未籌補今淮南票鹽既可抽釐雖每月所得無多而臣營萬難之時涓滴均有裨益應飭該司道妥爲辦理並飭議每引捐釐若干另行奏報作正開銷奉

旨報可

咸豐十一年六月

欽差大臣袁甲三劄據運司喬松年詳奉劄臨淮軍營餉需久
絀敷衍措拄羅掘計窮各省協餉自顧不遑奏停請緩
已成無著若不設法補救一旦潰裂江省與皖軍唇齒
相依固屬同此安危而東豫門戶洞開大局更難設想
按南鹽每年額銷二十四萬引每引十二包照臨淮奏
定章程每包抽錢一百五十文作銀一錢積而計之爲
款頗鉅實足稍充軍用惟商情今非昔比力恐不逮再
三籌畫擬照臨淮折半每包收銀五分責成該司督令

總商隨課徵收按月報解毋庸另設卡局以節糜費但此項鹽釐既充兵餉絲毫均關報銷稽查不可不嚴應由本大臣發給聯票由該司轉交總商或鹽局總辦委員隨時填明引數分發各商收領隨同大票重鹽出場泰州南門外之西湖嘴北門外之趙公橋均爲場鹽出境要路應責成汀漳龍道徐道設卡派員專司查驗聯票包數是否與大票相符註明票根並於聯票蓋戳截角登記號簿亦按月申報一次則銷數之多寡瞭如指掌弊竇自免委員不得另有需索儻無聯票之船卽係偷漏加倍報捐亦不准另生罰款名目凡此不得已

之苦衷應爲各運商所共曉見已附片具奏合特劄飭
卽便出示曉諭每包抽銀五分以何時爲始逐一稟覆
該司等顧全大局必能迅速舉行如數隨課呈繳按月
批解以贍飢軍萬毋藉詞減少仍致無濟於事等因到
司查淮南鹽務從前引地完善原可責成商人按額銷
鹽見在長江梗阻引岸虛懸惟恃儀徵一縣銷路時塞
時通毫無把握每年派銷二十四萬引並非奏定之額
卽如上年僅銷十五萬餘引本年因沿江釐捐過重銷
數更疲尙銷不足七萬引是以各處釐捐祇能銷一引
鹽抽一引釐不能限以定額連日傳集棧商開誠勸導

總期踴躍多捐裕餉贍軍但各商均以見在銷市不旺
棧價日跌照目前售價核算成本已屬本重利微兼之
本司前會徐道置造礮船每月所需弁勇口糧甚鉅先
經諭商就棧每引捐錢一百文又奉漕憲飭令垣商每
引捐輸桶價錢五百文今日之垣商大半皆是運商該
商等以捐款已多並非獨取諸水販此次皖營釐捐祇
能援照礮船之例每引加倍捐錢二百文謂已竭盡心
力萬難加增總局各委員亦僉稱無可再添復經本司
委婉勸導該商等勉允每引捐錢三百文勢不能再行
勉強轉於商本正課有礙似應俯如所議辦理至所發

聯票係爲防弊起見但商人運鹽有照可憑無從隱匿偷漏且鹽船裝鹽之多寡行走之遲速參差不齊其中未免有不便之處究應如何設卡如何發票事關創始不厭詳慎容與徐道從長計議斟酌盡善另行詳辦

謹按皖捐嗣後改爲每引八包捐錢二百文於咸豐十一年七月初一日起捐漕捐一項復又先後加捐每引共錢三百文嗣後改爲每引八包捐錢二百文同治三年六月泰屬場商汪德泰等稟近年桶價日長各費遞增捐項疊出每引至一千餘文之多輕本之法似應酌減捐項查漕捐皖捐臺捐等項本在課釐之外原

非經久章程商等已報効多年計捐錢一百數十萬串之多此時商力萬分疲乏合無仰乞矜全於可減之中分別詳咨酌減數成以恤商艱不無小補經運司程桓生批漕皖各捐均係解濟要餉所請酌免未便准行

同治七年十二月運司李元華等詳各商完納漕捐皖捐按每引入包各捐錢二百文歷經按引委解經本司前以各商困憊捻逆已經肅清此項款目擬請俟裁撤時仍留一百文以六成作爲揚州育嬰堂等各善舉之費提四成作爲鹽務候補人員坐支薪水稟奉前督憲曾批准在案見今捻逆蕩平中原肅清清江勇丁旣祇贖

數千人前本司等因公赴淮當將各商疲憊情形面稟
漕帥懇請裁去桶捐已蒙允准惟清淮餉源甚竭並飭
稟明憲臺酌量籌畫稍爲接濟等因至皖營委員由揚
經過據稱張提軍得勝營勇裁撤過半陳黃二營亦各
有裁撤等語查淮南場運各商連年以來銷疲價跌苦
累已極若不稍事體恤不足以紓商力且揚州因育嬰
堂意外滋事若不及時興舉勢必別生枝節釀成巨禍
所有此項捐款亟應裁撤擬請每引裁去三百文以一
百八十文津貼場商以一百二十文津貼運商牌價仍
留一百文以符請留一百文之數作爲委員薪水及各

善舉等用經鹽政曾國藩批准嗣於八年正月初十日
停收

同治八年正月鹽政馬新貽奏皖省清江兩處前因軍需
緊要曾飭淮南按桶捐錢以每引二百文作爲皖營軍
餉二百文作爲清淮防費節經照捐分解並歸入淮南
造報錢款項下歷次開單具奏在案茲查前兩項捐款
惟時因軍務喫緊勸捐協濟原係必不得已之舉各商
勉力輸將歷有年所實已異常竭蹶刻下捻逆肅清中
原底定皖省及清淮各軍逐漸遣撤餉項藉可稍紓而
淮南垣商困窮岸銷疲滯疊據各商呈訴苦情不可不

旨報可

酌輕成本略示體恤臣已分咨漕運督臣張之萬暨安徽撫臣吳坤修自本年正月一起將漕皖兩捐停止收解分貼運販場商以紓商力奉

同治八年正月漕運總督張之萬咨查前據淮運司稟奉貴部堂諭停商捐所有清淮軍餉按月由海分司籌解二千五六百兩等因在案見在商捐既已停撤所有清淮協餉應請自本年正月分按月批解以供軍需經鹽政馬新貽覆咨查淮北正課已按成分解無可提撥其每綱經費除呆活支及特劄提用各項外所存無多應

自本年正月起按月由海分司在於經費項下籌解銀二千兩以貼清淮防費無論如何爲難不准短少

同治八年正月鹽政馬新貽批運司李元華詳漕皖停捐一案所有每引仍留之一百文係因揚州育嬰堂等緊要善舉無款可籌暫留捐項以充公用一俟鹽務起色經費有可籌畫前項捐款亦應停止此詩應由該司撥歸外辦將每年收支數目造冊呈送核銷

謹按此項所留之一百文嗣以十五文歸立貞堂以四十五文歸育嬰堂其餘四十文作爲候補各員薪水至今仍照抽收

兩淮鹽法志卷一百六

數崔明 曹完由錄

兩淮鹽法志卷一百七

徵榷門

淮北餉鹽

軍興淮甸糜爛臨淮徐州均駐大兵帥多而餉益絀於
是餉鹽之說興焉餉鹽者以鹽抵課有四六三七之分
是時袁甲三營月提餉鹽二萬包皖撫營一萬包李世
忠營二萬包共月需鹽五萬包蓋一時權宜之策非善
政也曾國藩恢復票法舉餉鹽廓而清之其利弊乘除
昭然若揭併而錄之俾論世者藉以攷治亂焉志淮北
餉鹽

咸豐十年十一月

欽差大臣袁甲三示照得淮北鹽課奏准全歸皖營當此軍情喫緊皖軍控制全淮所關匪細各省協餉批解寥寥兵勇所恃者惟此淮鹽自然之利自應新舊並運收課濟餉本大臣雖與鹽務不相統轄但課從鹽出鹽卽餉源既有全歸皖餉之名不得力求實際應將已認新引積認殘引准各票販同時並運並恐祇此商力新殘並計猶不敷正額之引應再令三場池商於按則派引之外將場垣餘鹽准其酌運十二萬引藉以補額派鹽充餉且清私梟之源藉暢額引之數庶於

徵雅堂
佳士所重

咸豐十一年正月運司喬松年詳竊照淮北票鹽自上年
開辦新綱截至十二月止各販運到壩鹽六十七萬餘
包源源濟餉營中撥鹽抵課共計不下四十餘萬兩雖
不能如從前之暢旺而較諸七八九三年運不足正額
一半之數不可謂無成效當此淮河暢通皖餉緊急自
應儘力疏銷以冀復歸舊額本司酌理衡情籌議章程
十條飭發海分司責成新舊各遵照辦理一提鹽宜酌
加水脚也一請運宜全行派垣也一鹽價宜暫改自付
也一補運宜暫行停止也一請引宜勒限重鹽也一大
票宜臨重飭發也一雜款宜一律完納也一夾私宜嚴

加稽查也一緝私宜認真整頓也一事權宜責成歸一也經

欽差大臣袁甲三批准

咸豐十一年三月運司喬松年詳案查淮北票鹽解充皖
餉前經本司先後酌議以鹽抵解章程分別詳奉憲示
並轉飭分司等示諭各商販遵辦去後茲據督辦餉鹽
知府李安中署海分司陳照會同稟稱見在銷市甚滯
壩價難增核計成本虧折良多若不稍示變通誠恐遲
疑觀望於餉鹽反有窒礙今據各販稟求酌減水脚以
輕成本卑府等查係實在情形擬請減去水脚一項俾

各販得輕成本踴躍重運所提餉鹽似可有盈無絀謹
特會議六條呈鑒 一販繳餉鹽請免水脚也遵查新
章無論新舊販每千引繳餉鹽一千二百包又加水脚
鹽三百六十包每包抵課一兩一錢五分零抵完正雜
課銀一千二百五十一兩外餘銀五百四十餘兩存記
在課另完每千引經費見銀四百四十六兩六錢等因
謹按見在西壩賣價上鹽每包七錢六分核計成本實
屬不敷應請將水脚鹽免繳計每千引繳餉鹽一千二
百包抵完正雜課銀一千二百五十一兩外仍餘銀一
百三十三兩零遵章存記每千引另繳經費見銀四百

四十六兩六錢 一已運餉鹽仍繳四成也遵查新章無論新舊販每千引提繳餉鹽一千五百六十包外繳經費見銀四百四十六兩六錢等因謹按上年招徠新販認運四六餉鹽已發丙辰大票者十四萬一千引重運到壩共已八萬餘引均照四成在餉鹽棧繳清其已領大票未運到壩者僅止五六萬引若改爲三成繳鹽恐前後轆轤不清應請照舊每千引提繳餉鹽一千二百包儘此十四萬引完後再有招徠之販以及認運甲乙殘引並已認丙辰未領大票者悉遵新章與舊販一律辦理 一四六餉鹽酌加經費也遵查新章舊販補

運停止與新販成本既歸一律無論新販舊販溢引殘
引所有應完經費雜款每引照章完納見銀四錢四分
六釐六毫俾各販成本一律扯平等因謹按舊販每千
引繳餉鹽一千二百包外繳經費見銀與新販之繳餉
鹽一千六百包不繳見銀核計成本尙有參差應請將
新販於四六繳鹽之外每引令繳經費見銀一錢二分
六釐一已領大票請免籤派也遵查新章將認運引
數無論新舊販一體查明花名清冊仍按向例於額引
內均勻搭派不准指買等因謹按丙辰綱除舊販認運
引數業經籤派催令趕重外其新販認運四六餉鹽已

領大票者或已捆運在途或已買鹽付價應請免其籤
派以示體恤而速餉糈嗣後無論新舊各販遵章派垣
不准再有指買 一販繳餉鹽一律分成搭解也遵查
新章場垣各有定額無論新舊販仍按向例於額引內
分上中下均勻搭派不准指買俾使下色場垣得以售
價收鹽免滋流弊等因謹按中富場垣額引儘止八萬
餘引各販攤運卽不能全有中富其所繳餉鹽自亦應
按上中下搭繳應請各營嗣後提解餉鹽亦按上中下
搭解惟於販鹽到壩時先儘餉鹽按成提繳以免驛和
之弊 一四六餉鹽仍歸棧收也查新章以後各販運

鹽到壩提繳餉鹽完納經費一律赴錢糧局呈繳按旬開報等因謹按四六餉鹽或前已捆解大營者或見已提收在棧者自宜一手經理以免分歧所有未運之四六餉鹽五六萬引既係仍繳四成應請仍歸餉鹽棧提收由分司衙門開除併入造報嗣後新舊販三成餉鹽遵照新章飭令呈繳錢糧局每月分營攤解以歸畫一而專責成本司復查餉鹽水脚初議本未飭販另繳嗣恐於正鹽內提出則餉鹽未免短少故於三成之外另繳水脚今以見在壩價核計成本未免喫重不得不量予變通該守等所議章程亦尙妥貼似應俯如所請惟

查己給大票各新販仍繳四六餉鹽較之舊販減去補運一律派垣成本稍有便宜姑念爲數無多亦當通融照准儘此已發大票之引運足卽應悉遵新章一律妥辦以昭畫一

咸豐十一年九月海州分司賴以彬稟淮北票鹽近年因運道梗阻銷數疲滯販本占擱無力轉輸以致不能年清年額見屆酉年而已綱未辦綱引愈積愈多查淮北額引僅止二十九萬餘引從前皖省未遭蹂躪生齒浩繁故能行足四十六萬引而議者尙以爲侵占淮南近年引地日蹙各販繳餉後自售之鹽不能隨時售竣安

能請足四十六萬引故前此杜許兩署分司任內均請
按二十九萬餘引造報奏銷上年五月前署分司陳倅
請開丙辰新綱聲請先照奏銷二十九萬餘引開辦嗣
因運壩無多既不敷撥解皖餉又經袁憲札飭督辦餉
鹽委員李守會同招販認運引鹽到壩以四成繳餉本
年又奉憲臺札行章程舊販改照三成繳餉各條原冀
變通票法以期盡利無如運道通塞靡常奉撥餉鹽過
鉅各販力難支持營委紛至沓來販繳餉鹽久經撥盡
前已一再豫借萬難再提見在李軍門駐壩委員因欠
解三箇月餉鹽遂將西壩販鹽全數派作採買俟捫清

致在門 佳比駒鹽

餘引俟運銷暢旺再行察看情形續飭認辦今丁巳新
綱仍擬仿照辦理每引科則正稅一兩五分一釐帶完
雜課二錢經費四錢鹽捕營及書役紙飯等項共四分
六釐六毫其鹽價五錢仍照舊章由販自付場商一
新殘並運查丙辰以前各綱未運殘鹽有票販已付價
銀請票待運者若一概停止轉使向隅今擬准新殘並
運殘引亦照新章辦法如願先運新鹽聽其自便免似
上年停殘運新致滋口實一繳鹽充餉查丙辰綱皖
營委員李守招販辦運四成餉鹽六成聽販自售本年
議每千引令新販加納雜款銀一百二十六兩六錢又

奉憲行章程改以三成繳餉每千引繳鹽一千二百包抵完正稅雜課銀一千二百五十一兩其餘七成聽販自售仍令完經費等項銀四百四十六兩六錢見經卑職會同李守遵奉袁憲札飭核議無論新舊各販一律改照四成繳餉以三成抵稅課一成作經費裁去今春四成所加之一百二十六兩六錢祇飭另完每引鹽捕營及書役等項銀四分六釐六毫較三成減輕可期販情踴躍一殘引繳餉查丁巳開綱既照四成繳鹽另納見銀每引四分六釐六毫所有丙辰乙卯等殘綱均照四成章程一律辦理至以前各綱有鹽價由庫給發

者仍將鹽價繳庫 一經費繳鹽查票鹽經費每引四錢今每千引繳一成鹽四百包抵銀四百兩每包合銀一兩如能售敷原價解支各款固爲恰合如祇售七錢八錢之價卽仿照從前經費暫減八折之例減折解支如撥解協貼需鹽者卽以鹽抵付或西壩滯銷須出湖運售者此項一成經費之鹽專解協貼及辦公之用與餉鹽無異應請照餉鹽一律免其捐釐 一復鹽駁價查票鹽舊章場商向得每引鹽價六錢駁價三錢前此已減鹽價一錢未復本年春閒又減駁價二錢計全綱又減銀九萬二千兩商力難以支持紛紛具稟請復以

數雀呼佳七刺齷

准其在下次運鹽繳餉內扣還但成本占擱愈形裹足
應請嗣後不准豫提 一配搭鹽色查淮北三場設有
太平西臨中富臨浦青口五局鹽色向分上中下三等
太平一局鹽有上中下三等中富一局有上中兩等西
臨一局有中等下等臨浦青口兩局盡列下等而青口
尤劣前者票鹽暢行下鹽亦有販請運嗣因票運疲滯
改爲認運上色鹽者搭配下鹽認運中色鹽者毋庸配
搭蓋以鹽之高下由於地產且下鹽商竈同一人工同
一完納鹽池折價錢糧自不能棄之不顧上年經李守
稟明袁憲札飭領運餉鹽委員到壩按上中下三等派

牙直上二六
一
敦霍門 佳比詢鹽

中採買爲詞巡役莫敢過問實爲票法之害首須嚴禁再酌復各卡緝私巡役俟籌款稍寬再行多雇得力兵勇於各要隘周厯嚴拏以期梟蹤禁絕官引暢銷一勻支經費查淮北各官及書役人等全賴經費銀兩以資辦公近年不能年清年額何能照原數開支乃各員仍以原冊銀數藉稱庫欠盈千累百今擬將經費四錢除撥解協貼二錢外淨存二錢照所繳之鹽售出價銀若干按款一律勻支以昭公允一廣招併認查引鹽銷數不暢各前綱祇照例額二十九萬餘引辦理以顧淮北奏銷之數然自丁巳至辛酉尙積壓五綱之多見

在核月餉鹽數卽或稍減諒不能遽減至四十二萬包之多自應廣招新舊販併力認足或可規復舊制四十六萬引仍以二十九萬餘引爲丁巳本綱奏銷數目如能多認卽作爲戊午綱提前之引經運司喬松年批准咸豐十一年七月督辦軍務山西太原鎮總兵田在田奏竊徐營前因缺餉已久勢難支放當經前督辦提臣傅振邦奏明仍從上年九月爲始按月提解鹽課銀一萬兩以資軍食旋准袁甲三來咨以淮課續經奏定儘先充解皖餉難以分撥函令臣等另籌變通又經會商妥議以鹽課旣無可提不如暫借淮鹽由徐州引地銷售

卽經臣吳棠向海分司借鹽八千包續又稟請袁甲三再撥鹽一萬包由徐售變其應完皖營鹽課銀兩經臣奏明以後徐餉能充卽如數解還復由袁甲三詳叙原委具奏經部臣酌核毋庸酌定每月捆運數目一俟前撥之鹽銷竣卽將課銀如數交皖徐營得餘引以贍軍皖營亦得回課以充餉兩有裨益當蒙

俞允恭錄行知前來自應欽遵辦理第查前請借撥淮鹽原以徐營餉源支絀不得已作此補苴之計計自西壩運鹽至徐沿途水陸運腳及一切雜用等項僅止不至虧折實無餘利可資其鹽隨時售銷併課項亦爲罄盡非不

知售存鹽課卽應解還皖營然處此萬分危迫不得已
儘數騰挪暫以濟急惟皖營餉需亦非充裕無論此項
課銀不能久欠卽常川撥運亦難免嘖有煩言特以目
前情形而論舍以課濟餉之外束手無策臣等再四籌
商徐屬係山東引地刻因道路梗阻東引久未到岸民
閒淡食堪虞擬借淮北之溢鹽運至東岸之徐屬行銷
卽照東省應完科則作收以抵山東積欠協餉如此則
徐收東課旣無損於皖餉兼有益於徐軍而東省積欠
餉銀亦得借課還款洵屬均有裨益仰懇

飭下部臣查議准行再前欠皖營鹽課一俟餉裕卽當如數解

還不敢稍延所有借運淮鹽作收東課以濟徐餉緣由
理合恭摺具奏奉

旨戶部速議具奏欽此旋經戶部議准

互見引界

咸豐十一年九月委員李安中分司賴以彬會稟伏查淮
北票販請運本應按引納課解營濟餉因運道阻滯壩
銷不暢改爲以鹽繳餉擡其價值以作抵餉銀數每千
引應完正稅雜課銀一千二百五十一兩卽以所納三
成鹽一千二百包充抵其餘二千二百包飭販於售鹽
時另完經費倉穀鹽營等項銀四百四十六兩六錢其
新販按四成繳餉一千六百包本已抵清正稅雜課經

致雅堂 庄七内閣

兩六錢將前加之一百二十六兩六錢悉行裁汰以輕
販本至所繳經費一成每包抵銀一兩隨照市價售銀
解支如賣不足一兩銀數減少卽仍照從前減經費之
例減折解支如撥解協貼需鹽卽可以鹽抵解設或西
壩滯銷須出湖轉售此項經費一成之鹽係爲協貼及
辦公之用與餉鹽無異應請准照餉鹽一概免其捐釐
此項三成餉鹽按照上中下三等派運繳餉准北舊例
票販赴場捆運請上鹽者搭配下鹽請中鹽者免其搭
配今各販旣照章捆運將來營委捆餉鹽時亦應照章
派撥以昭公允至經費一成之鹽係專爲辦公及解協

貼不能封撥營餉均請憲臺分別咨行各營遵照以免
爭執貽誤卑職以彬卽擬以四成繳餉章程趕開丁巳
新綱稟請運司核轉仍一面會同卑府安中認真督辦
以期變通盡利庶可化梟爲良謹將見在情形會同核
議稟復

同治二年十一月戶部奏竊查兩淮鹽課爲

國家維正之供軍興以來或因各處抽釐致誤正課或因
撥抵兵餉致紊成規見據兩江總督曾國藩奏整頓兩
淮鹽務請裁逐卡釐金又御史劉毓枬條陳淮北鹽務
請撤各局釐捐均由臣部另行覆奏惟鹽以抵餉淮南

內務府奏 卷一百一
尚少淮北最多咸豐十年三月袁甲三奏請將淮北鹽課儘數抵作皖餉是年七月又奏總兵李世忠駐守滁州所需勇糧請撥鹽引令其自行銷售經臣部以淮北久未領引該總兵請領引目從何而出每引應徵課銀若干兩運銷何年引張行令兩江總督趕緊飭查至今未據聲覆又同治元年三月奉

上諭勝保奏餉需支絀請捆運鹽斤一摺該大臣請將淮北票鹽先捆十五萬包運至三河尖一帶銷售並函商李世忠代爲捆運提取充餉著照所請妥爲辦理欽此欽遵由臣部咨行該大臣將每包斤重若干應徵課銀是否照淮北科

則交完卽行查明聲覆亦未據查覆到部咸豐十一年
田在田奏請借淮鹽作收東課卽抵山東欠餉以贍徐
軍臣部以該營餉缺因卽議准飭將借撥淮鹽若干引
抵東省何年欠餉均應分晰報部嗣據吳棠咨稱咸豐
十年及十一年採運淮鹽一萬八千包計四千五百引
按照淮北科則每引完銀一兩六錢九分零共完銀七
千六百四十兩至十一年九月報部議令照東省科則
作收又陸續撥運淮鹽四萬五千包每包一百斤照東
省科則三百二十斤爲一引計一萬四千零六十二引
半每引完銀一兩二分三釐零共完銀一萬四千三百

八十餘兩以上所收銀兩均已解交皖營查該漕督採運鹽斤及應完課項是否相符此後又運過淮鹽若干引亦應令兩江總督轉飭該署運司詳查聲覆又同治元年十月吳棠奏清淮需餉勸令淮商捐鹽充餉亦由臣部令將某商交鹽若干作價若干是否照淮北科則交課飭卽聲覆該漕督亦未覆到臣等查以鹽抵餉不過因軍糧支絀暫時挪撥以濟要需乃各營視爲常規紛紛捆運且僅奏報一次飭查者延不登覆續提者亦未聲明數年以來各該營共提鹽斤若干萬包應交課銀作何完納兩江總督相距較遠未能逐層清查臣部

亦遂無從稽核以致引票淆亂課款空虛見在苗逆伏
誅皖徐亦卽平靜淮北銷路漸通若不將餉鹽分別截
留何以挽頽綱而保正課相應請

旨飭下兩江總督曾國藩嚴飭署運司忠廉一面將各營歷年
捆運鹽斤查明數目某處領運若干給票若干交課若
干限文到兩箇月詳晰奏陳一面酌核各營情形將抵
餉鹽包分別截留不准再行捆運至此後淮北應運課
鹽卽由該署運司查照舊章招集商販按引認運並將
如何徵課如何運銷詳議章程奏明核辦當此京餉緊
要淮課爲撥解大宗該督等自當體察近日情形實力

妥爲籌辦以期課項日充兼顧京餉是爲至要奉

旨允行

恭載

上諭一道
制詔

同治三年八月鹽政曾國藩奏伏查淮北鹽務自前督臣陶澍改行票鹽意美法良商民稱便果能率由舊章行之百年不做無如軍興以後運道之通塞靡常銷數之暢滯無定既不能如額運售卽不能按綱造報拖延套搭已覺年不如年然未辦餉鹽以前票販雖日形竭蹶尙能勉力從公池商雖難免偷漏未敢任意售私迨軍營提鹽抵課變易舊規營員日出於塗商販遂聞而卻步李世忠部下赴壩領鹽尤爲桀驁一不遂欲百般恐

嚇甚至因棧鹽不足下場自捆一營開端各營效尤護
私夾私之弊遂至不可窮詰見在李世忠業經開缺回
籍其部下兵勇亦皆遣散當此淮甸澄清自宜恪遵

聖諭將餉鹽截停招集新舊票販照常請票運鹽完納見課出

湖銷售經戶部覆准

詳見票
法新章

兩淮鹽法志卷一百七

兩淮鹽法志卷一百八

徵榷門

淮北關稅

關榷之設始自明代一爲戶部鈔關一爲戶部儲糧一爲工部抽分自康熙九年歸併淮關其工部抽分明初於清江浦榷竹木等物堪爲船料者三十稅一視貨物之多寡爲盈縮初無定額歲約以一萬二千兩爲率惟有關船料者始抽如木竹釘鐵油麻等物其不關船料者不抽也嗣因額課不敷兼稅及船矣照梁頭大小修廣三十稅一而差其額然亦止於抽船後仍不敷則並

抽及貨物矣自明以來歲額日增至

國朝乾隆嘉慶間遂積至數十萬豈盡綜核米鹽所由致亦其時民物豐豫禁網疏闊百貨流通而然也洎軍興以來榷稅歲絀百方擣撫莫能盈額物盛而衰理固然歟而區區鹽鈔船料及蒲包之稅錙銖較量甚至搜捕愈嚴偷漏愈甚於裕

國便民之計能兩有裨哉雖然鹽政之顧鹽課與關部之顧關餉易地皆然彼此兼籌亦共維大局之意也今備書之使來者有考焉志淮北關稅

雍正七年淮安關部年希堯奏淮北產鹽經商販運一由

外又有每年交關規例銀三千四百兩蓋惟恐鹽船過關稽滯因有此項至前權臣年希堯於雍正八年間將此項規例銀兩亦歸公起解由是每季解部鹽鈔有二千五百兩之數業已解部五年而運司之填批起解則仍係前額近見前任權臣被參各口岸俱紛擾攻訐臣又係新任故淮南於此項銀兩忽生觀望屢行具呈求免伏念一切規例久已歸公況此項向爲衆商樂輸旣經解部五載豈得因其呈請擅爲除免此每年三千四百兩之數雖稱解部公項而運司不入批解恐日久無憑朦混滋弊不得不據呈密奏應否除免抑或仍令衆

商輪納知會鹽臣衙門一併填批彙解經戶部議覆查
淮關鹽鈔銀六千六百兩從前原係統歸船鈔項下彙
解至雍正七年前管關年希堯任內將鹽鈔銀兩於部
頒冊檔內按季登填每季徵銀二千五百兩每年共銀
一萬兩逐年批解臣部查收歸入關稅內具題考核是
此項規例係久經報出歸公入於額稅之內節年解部
有據未便竟行裁革但該運司不行填批解關恐有額
外需索影射侵隱情弊應令該鹽政轉飭運司遵照舊
例徵收一併批解仍令該管關官按數查收統於關稅
項下報部查核

乾隆五十年運司詳南鹽場河淺阻議由南商買運北鹽五萬引運赴儀徵分銷各岸緣此項鹽斤不在例行北鹽之內例應格外輸鈔計每單引該銀三分七釐又每兩應完火耗補平色銀一錢二分六釐二毫八絲又每引飯食等款銀四分四釐

道光三十年運司童濂詳南鹽缺乏議倡導委員張大鏞將北鹽購運赴南抵關援照乾隆五十年南運北鹽成案每單引完納鈔銀三分七釐並補平色銀每兩一錢二分六釐二毫八絲每引飯食等款銀四分四釐由湯州票鹽總局呈解運庫彙解來關運鹽船隻由船戶在

關分別完納正單銀兩經鹽政陸建瀛轉咨淮關照收
咸豐元年南鹽缺乏借運北鹽經淮關監督請照淮北額
引二十七萬二百七十二引每年額解銀一萬兩照數
攤算每引徵銀三分七釐又每兩應完火耗及補平色
銀一錢二分六釐二毫八絲

同治四年十月署鹽政李鴻章咨淮關監督稱見因淮南岸銷頗暢場鹽缺產酌借北鹽五萬引藉資接濟委員捆運西壩之鹽分十批解赴瓜州交瓜棧委員搭配發販以期迅速運岸銷售完釐濟餉惟查北鹽自清江至瓜州須由貴關經過從前商運北鹽曾有完納關鈔之

案此次借運北鹽係由官爲經理所有盈餘一概充餉
非商運牟利可比已難援照舊案辦理况一切章程悉
照南鹽科則祇完南課不復重完北課關鈔事同一律
既照南鹽已完揚由關稅未便再完淮關鹽鈔致增成
本一俟前項北鹽運瓜之船到關請卽免稅速驗放行
勿任胥役人等稍事藉端留難

互見借
運北鹽

同治四年十月淮宿海等關監督世榮覆咨查南運北鹽
向解鹽鈔等銀今聞復倣成案借運北鹽惟此項應徵
北鹽南運鈔銀若俟運完之日由兩淮運庫照數解關
未免耽延時日見在本關稅課鉅虧按月應解皖省軍

11

相應咨請貴監督仍照前請免稅放行嗣經淮關咨覆查北鹽有湖運江運額定二十七萬二百七十引按年由兩淮運庫額解淮關鹽鈔銀一萬兩並火耗補平色銀隨批分解來關此外如有北鹽南運例應照關例四包一引按則輪報以符乾隆道光間成案此咨北鹽南運揚由關既經按則輪報而淮關按引徵收稅課事同一例未便稍有歧異遽行免徵且皖省應撥軍餉按月委員在關駐提萬分緊急而稅課鉅虧應撥艱難應請飭運員抵關卽令照報以符舊制李鴻章覆咨貴關部既有應解皖餉同一接濟軍需自可格外通融且查此

敦唯門 佳化獨兒

繳充公各款項下酌撥批解至淮關咨所敘飯食等款似係外辦雜費每引四分四釐浮於正稅之數此時軍需緊要淮南一切雜款概未徵解况揚由關亦祇完正稅每千引六兩六錢七分淮關事同一律前項飯食雜款應請毋庸完納本司查從前北鹽南運徵完淮關鹽稅案卷咸豐三年被毀無存今查咸豐四年詳請前憲咨覆淮關案內敘明咸豐元年南鹽缺乏借運北鹽經淮關請照淮北額引二十七萬二百七十二引每年額解銀一萬兩照數攤算每引徵銀三分七釐又每兩應完火耗及補平色銀一錢二分六釐二毫八絲本年借

同治四年十一月淮關監督卾榮咨北鹽南運除納鹽鈔
外船單一款亦歸正額報解凡有運解銅鉛一切官物
船隻抵關均由運員飭令船戶分別樑頭尺寸在關輪
報船單歷經徵解在案今各鹽船應納船單亦應由船
戶在關自行照納准其一年之內往回照驗十二月李
鴻章覆咨據淮運司詳船單一項司中無案可稽惟南

鹽經過揚由關並無另完船單名目此次借運北鹽自應一律免予另徵以輕成本嗣於五年六月准關監督世榮覆咨船單一項卽係船料從前均由各船戶在關自行完繳是以司中無案可稽此係工部正項錢糧未便遽行免徵而鹽行緊急難以稽延自應與應完鈔銀一併彙解茲查前項北鹽自上年十月二十五日起至本年五月二十二日止陸續抵關已逐船查驗將所過鹽數並船戶花名船單尺寸登記印簿隨時飭令南下統計運過鹽四十萬零五千二百包按四包成引計十萬零一千三百引應完鈔銀三千七百四十八兩一錢

又應完火耗補平色銀四百七十三兩三錢四分五釐
又各船應完船單銀一千一百五十七兩一錢二分以
上正耗等項及船單共應完銀五千三百七十八兩五
錢六分五釐查本關稅課自春夏之間捻逆肆擾各項
零星貨物亦復觀望不前而皖省清淮軍餉並奉撥部
餉五萬兩催解孔殷實難支應應請飭司迅解來關以
資湊撥李鴻章覆咨淮北例定每引正鹽四百斤淮南
例定每引正鹽六百斤是借運北鹽七萬五千引合南
鹽五萬引係屬照例計算至北鹽向來原係四包成引
七萬五千引本祇三十萬包今因改運淮南必須照淮

南新章方免兩歧淮南見係八包成引五萬引須捆四十萬包前據瓜棧委員會同海分司稟明先在西壩照南鹽斤重改捆運南是所捆四十萬包係五萬引南鹽之數實祇合北鹽三十萬包計七萬五千引該完關稅銀二千七百七十五兩又火耗補平色銀三百五十兩零又因南販多買六百五十引復飭海分司加捆五千二百包合北鹽九百七十五引應完關稅銀三十六兩七分五釐又火耗補平色銀四兩五錢五分五釐零自應飭司一併解繳至南鹽經過揚由關並無船單名目北鹽運南事同一律來咨謂從前均經各船戶自行完

繳不但案無稽考且據瓜棧具報北鹽將次過竣船戶
鹽已卸空各自星散固無從傳提追取而此項借運之
鹽因爲日過久銀價又昂所得餘利無幾應完關稅等
款已屬勉力未便再代船戶墊完船料致軍餉更形短
絀

同治五年九月淮關監督世榮咨北鹽南運船隻應納船
料前經分別移咨嗣據押運委員候補知事高人佺押
運北鹽一萬六千包裝船四十三隻抵關准貴督咨開
無論應否酌完船料應先驗明放行如必須完船料應
查定例科則若干俟北鹽運竣後由司彙同鹽稅解交

斷不可令船戶自行報納等因准此當將該員押運船隻逐一丈量尺寸按船登記先行驗放旋於九月據瓜棧程守來關面商續到鹽船仍將應納船料逐一丈量登記驗明放行統俟北鹽運竣查照定例科則飭司集同鹽鈔一併解關以免虛懸而清款項李鴻章覆咨前准來咨凡引鹽船隻一經抵關均係船戶自行完納准其一年之內往回照驗等因是裝鹽船隻完過一次關鈔一年之內例准往回驗照不再重徵鈔銀若所雇之船本年未裝鹽以前業據承裝別貨完過關鈔有照可驗亦應照例免收今來咨未經分別已完未完概將各

船樑頭尺寸逐一登記將來難免重徵之弊其例定科則若干亦未聲叙礙難核辦嗣於十一月淮關世榮覆咨查本關船單之例係按樑頭尺寸核算六尺者納正單銀一兩六錢五尺者納銀八錢四尺者納銀六錢四分火耗平色銀在外均於船戶在關完納後給發桅封實貼該船准其往回照驗一年爲滿惟此次運鹽船隻迭准來咨不令在關完納又恐隱漏重複無從稽考今擬另刊印照按船實貼一張以憑照驗嗣後續有到關卽行照辦李鴻章覆咨貴監督另擬印照按船實貼以憑照驗事屬可行至船戶完過關鈔一年之內往回照

驗係屬定例蓋船鈔取諸船戶非取諸貨物是完過關鈔之船其一年之內不問裝鹽裝貨均應免其重收方爲正辦除業經存記各船本年不得再收稅銀外其續到之船希卽查照前咨分別已完未完辦理至火耗平銀究竟每兩例徵若干是否外辦之費仍請示覆淮關世榮覆咨查淮關定例凡運鹽船隻報過正單銀兩如再運鹽往回呈驗按照一年爲期不復重報如運鹽之船南北裝運他貨按照貨數每次報納分單其數甚微各不相涉歷經照辦在案嗣後如有鹽船抵關卽將印照實貼該船以憑查考一面於過關底簿內按船存記

俟截數彙咨之時如有重複姓名卽行剔除用昭核實
至船單銀兩係報解工部正款每兩加火耗銀一錢隨
同解部其運庫所解銀兩成色不一仍須傾鎔足色關
紋方能報解歷經每兩加補平色銀一錢四分亦係照
章徵收並非外辦之費十二月李鴻章覆咨查船單銀
兩卽係船戶應完之船料無論裝運何物每年例准抽
收一次一年之內往回照驗本署部堂前經咨明所雇
之船未裝鹽以前業據承裝別貨完過關鈔有照可驗
應照例免收旋據瓜棧程守暨海分司稟如有船戶在
攬裝之前曾經承裝別貨完過關鈔必有關給稅照謂

之紅單議請由委員督同船戶在關驗明稅單一年之內免其重徵等語與前咨辦法相符復經咨明在案是此後南運北鹽船隻過關總須查明未經完過船料之船方准登記由瓜棧彙總納料其已經完過船料之船不得再行重抽至火耗補平兩項昔時報完舊案被燬無存惟查上年核定鹽鈔正項每兩共完火耗補平銀一錢二分六釐二毫八絲今船料每兩開火耗銀一錢補平銀一錢四分共計二錢四分未免浮多應照上年鹽鈔之案每完船料一兩另繳火耗補平共銀一錢二分六釐二毫八絲以符成案

附印照式

淮督理淮宿海等關稅務

爲

安給照備驗事案准

關督鹽部堂咨會北鹽南運船戶應納正單銀兩
印均由運庫彙解等因所有經過鹽船合給印照
照實貼以資查考須至印照者

計開

船戶應納尺正單銀

年月日給

關

同治七年六月瓜洲總棧程國熙詳江運北鹽請明定關
稅章程查上屆兩次北鹽運南應完淮關鹽稅船料均
俟運竣之後照數彙解此次自應循舊辦理惟關吏差
役人等遇有鹽船經過每多勒指更恐誤會江運思復
舊規應請咨明淮安關部一切仍照上屆南運章程關
稅每引三分七釐船料樑頭六尺者納正單銀一兩六
錢五尺者八錢四尺者六錢四分每船料銀一兩另繳
火耗補平銀一錢二分六釐二毫八絲每年祇報一次
平日驗單放行所有稅料銀兩應由瓜棧彙解淮關並
請嚴飭關吏差役人等如遇此項鹽船抵關隨到隨驗

立即放行不准留難致誤行運經鹽政曾國藩批准

謹按以上淮安關徵收鹽鈔船料

光緒三年正月署運司劉瑞芬詳上年九月奉劄開據鳳陽關胡道詳請裝鹽船隻可否仍照鹽卡按包徵錢抑照例科徵船料等情卽會同五河正陽兩卡查明例案參酌近日情形議詳察辦是月又奉劄開據鳳陽關呈稱過卡鹽船可否減則徵收船料另給印票會商該卡議覆遵卽會查鳳陽關試辦伊始舊日規例無存自應核照近年辦定各關成案辦理查揚州府屬揚由二關係徵鹽稅與鳳陽關名目不同惟淮安關係鹽鈔與船

料並徵今鳳陽關專徵船稅亟應參酌淮安關徵收船稅之案辦理查同治五年十月奉前憲劄開此項船鈔前准淮關咨明凡引鹽船隻一經抵關均係船戶自行完納准其一年之內往回照驗等因是裝鹽船隻完過一次關鈔一年之內例准往回驗照不再重徵鈔銀若所雇之船本年未裝鹽以前業據承裝別貨完過關鈔有照可驗亦應照例免收並奉鈔黏淮關咨文內開准貴部堂咨酌完船料應查定例科則若干俟北鹽運竣後由淮運司核明彙同鹽稅解交斷不可令船戶自行報納旋據程守來關面商卽照貴部堂咨俟續到鹽船

改作 佳比 獨完

後給發桅封實貼該船准其往回照驗一年爲滿是年十二月又奉前憲劄開上年核定鹽鈔正項每兩共完火耗補平銀一錢二分六釐二毫八絲今船料每兩開火耗銀一錢補平銀一錢四分未免浮多應援照上年鹽鈔之案每完船料一兩另繳火耗補平共銀一錢二分六釐二毫八絲以符案據咨覆准關查照各在案茲查鳳陽關專徵船料初擬按鹽徵收慮及迹涉嫌疑據實稟明是按包計算之說該關道已知不能行應毋庸議所稱分別大中小尖船隻徵收錢文而某項船隻實收若干每年是否祇徵一次文內並未聲明署司等復

核北鹽南運案內應納淮關船料奉行核定按照樑頭
尺寸分別等差由儀徵總棧彙款移解淮關鹽督有案
是以淮南運鹽船隻並無停留而應徵稅銀亦歸核實
官商兩便且每船每年祇徵一次既徵之後不論空船
及裝載鹽貨往返並不重徵擬請劄飭海分司自此議
定起於湖販在壩買鹽時按照樑頭丈尺扣計船稅及
火耗補平銀數備繳海分司卽由海分司印填桅封執
照聲明本船已按樑頭丈尺完納見年鳳陽關船稅由
海分司解關往返不再重徵緣由給予船戶收執實貼
該船其所完稅銀連火耗補平由海分司彙總批解鳳

陽關兌收仍請飭行鳳陽關道查照嗣後鹽船到關立
時放行不得留難阻滯亦不准胥吏局索分文如此循
案辦理則鳳陽淮安兩關徵解不致兩歧而鳳陽見係
奏明試辦並不拘泥舊例已奉

旨允准將來關稅定有成式商販免受留難於權務鹽法兩
有裨益又查本年十一月奉憲臺劄開鳳陽關胡道詳
覆查禁盱眙臨淮兩口私收北鹽票費等情奉批盱眙
臨淮兩口私收票費經該關道一律禁革所辦甚是惟
仍責成關役查驗若輩裁其使費勢必愈形留難不免
羈守之虞南鹽由儀徵出江凡過揚關九江關均係隨

三才圖會

補繳以昭核實所有平色統歸庫平合封其應用油硃紙飯以及解費等項並不另取分毫請在火耗內開支均經鹽政運司批准五月于寶之稟鳳陽關道伏查此項船單若僅令湖販自行開呈難免以多報少殊難憑信且鹽船參差不一亦非盡抵西壩樑頭尺寸無從查量自應明定章程俾便稽查而歸畫一查淮關船單定例自二百七十一石起至千餘石止爲六尺正單納銀一兩六錢自一百七十一石起至二百七十石止爲五尺正單納銀八錢自五十石起至一百七十石止爲四尺正單納銀六錢四分每完船料銀一兩另繳火耗補

關道查開應徵銀數移會正陽督銷局於各該湖販賣
鹽時照數代收移解惟查鹽船自洪湖入淮先經盱眙
後抵臨淮且臨淮下游之五河等處亦皆可以銷鹽就
事而論自應在盱眙口查驗補徵惟盱眙地處湖濱水
面寬闊風利之時鹽船過盱並不進口停泊且下游由
江入淮洋票貨船皆在該口報納船料而洋票船料實
爲近年關稅之大宗見在徵收之例仍照鳳關樑頭稅
則自八尺五寸起至一丈八尺止徵銀自一兩一錢一
分起至九兩三錢九分止較之鹽船徵稅重至數倍雖
鹽船船料新章已奉前憲臺批明專指裝鹽而言他貨

不得援以爲例然設遇鹽船與洋票船大小相等而同
時抵關報稅輕重之間難保奸刁者不從中搆釁聳令
洋人出爲饒舌此外正陽關及亳州懷遠等口亦有經
徵出口土貨洋票船料且地居上游其閒堪以銷鹽之
處更多尤屬散漫難稽惟臨淮地處適中爲由盱眙赴
正陽懷遠亳州必經之路所過洋票船隻均在上下游
關口報過船料該口向祇查驗並不徵稅如蒙允准照
辦關道擬將未經領單及丈尺不符鹽船專在臨淮一
口補徵給單以期事得專一而可不致牽動洋票是月
運司程桓生呈據海分司項晉蕃稟稱前奉鳳陽關劄

飭認真稽查毋任隱漏侵匿遞年短少致干吏議當以卑衙門代徵鳳陽關部船稅鹽稅原案經卑前分司于運判仿照淮關船單章程每鹽一包爲一石六尺者自裝鹽二百七十一包起至于餘包止完銀一兩六錢五尺者自一百七十一包起至二百七十包止完銀八錢四尺者自五十包起至一百七十包止完銀六錢四分責成西壩各棧戶於湖販買鹽時查明船戶姓名及每船裝鹽若干包逐一開報照章完納發給執照旋據該棧戶等稟以大船另有帶駁既非在西壩過駁在壩又不能定准等情並經于運判以出湖駁船起駁等事未

便預聞呈請鳳陽關部隨時查驗如有不符飭令就近
補繳以歸畫一茲查代徵船稅一款向憑湖販買鹽完
納全視銷數之暢滯定徵稅之盈絀前兩年開辦己卯
庚辰兩綱奉增新引銷市轉形疲滯以致徵款漸次遞
減茲奉飭查臨淮口查無船照二十二戶細核所裝票
鹽類多不合票數自係出湖駁船無疑既奉鳳陽關道
咨正陽關卡道憲飭令補繳核與定案相符以後擬參
酌定章凡有湖販買鹽請照驗照各戶由湖販先行呈
明裝鹽若干包分別請照驗照由卑衙門隨時填給買
鹽包數清單交由票販憑單開除如有不符飭令照數

補繳以期核實俟湖販呈票加戳放行時再由卑衙門核對查銷以重稅課而便稽查儻有駁船未經完稅者應請仍由臨淮口查明就近飭令補完以符定章如此分別稽查庶使徵收日有起色嗣經鳳陽關詳嗣後經過鹽船查係已經完納船稅領有海分司衙門船單必須隨到隨驗立刻放行儻或以大報小尺寸不符查出補稅卽於海分司原單內註明不必另給印單俾歸簡易如該船不遵定章未赴海分司衙門完納稅銀無單可驗卽由臨淮口照章補徵填給印照一年之內裝運別項貨物照例科徵若係裝鹽或回空仍准不再重徵

以符向章均經鹽政曾國荃批准

光緒十一年十一月署分司項晉蕃稟代徵鳳陽關船稅
向憑湖販買鹽完納全視銷數之暢滯定徵稅之盈絀
上年冬閒徵款漸減參酌定章於湖販請照驗照時飭
令先行呈明買鹽包數填給清單以便稽查數月之間
收款頗爲踴躍本年春閒造報二千二百餘兩較前屆
加增似尙以盈補絀迨至五月以後收數逐漸減少截
至十月分止僅徵稅銀一千三百八十三兩有零固由
洪湖淺阻銷數不甚暢旺而棧戶代納船單所報裝鹽
包數亦有未符西壩離湖較遠其中有無隱漏稽察誠

屬難周况來年二月卽屆造報之期亟應設法稽徵以裕稅款從前因湖船往來無定責令鹽棧代納原以湖販來壩買鹽藉可稽查此時徵款旣已短絀似未便任聽鹽棧報納查順清河一卡係出湖總匯之區奉飭由卑職預發艙口印單責成卡員於票鹽截角時按船逐艙填給俾上游五正兩卡憑單查驗辦法甚爲妥善若以卑衙門代徵船稅查照艙口印單稽徵更可按船考核擬請嗣後請照驗照再由卑衙門分別給發船稅完訖驗訖印單由該販赴局請領持赴順清河卡卽由該卡員查明相符方准給發艙口印單儻查無船稅印單

卽係漏報之船立卽扣發艙口印單飭令來局補完以重稅課俟按旬呈繳艙口單根時連同湖販所繳船稅印單加蓋銷戳彙繳務期與根單鍼孔相符不准此多彼少經鹽政曾國荃批准

光緒十五年十二月署分司項晉蕃稟奉劄以鳳陽關徵收船稅一案仿照北鹽南運案內應納淮關稅銀章程由海分司於湖販在壩買鹽時責成各棧戶呈明船戶姓名樑頭尺寸分別等差照數完納稅銀填給執照准其往回照驗一年之內不再重徵鹽船到關儻有不符卽飭就近補繳歷經循辦在案茲查光緒十二年暨十

四年所徵船稅銀兩短絀實因鹽船以大報小回空之際將此照借給他船呈驗影射取巧以致稅銀不能足額至解關銀兩均需五十兩足色庫寶方可兌收等因當諭各票販議覆茲據該票販等稟稱湖販應納船稅前以鹽船重載上駛洪湖風波堪虞議定於湖販來壩買鹽時卽在分司衙門輸納代徵轉解鹽船回空下駛經過各關驗照放行等情至於回空載貨本所不禁果有船照卽係已納稅銀之船查各湖販來壩買鹽其本船往往因河道窄淺停泊楊莊馬頭鎮一帶距壩自一二十里至數十里不等係用小船駁往受載所有鹽船

敦雅堂 佳北編

鹽政曾國荃批准照行

謹按以上鳳陽關應徵船料由海分司代收

同治十三年五月船戶任耀崗稟向在邳宿一帶攬裝蒲包等項遵例投報關捐未敢越漏詎意海州板浦鎮開有趙愼昌牙行私雇土車散給資本分買邳宿等處蒲包陸續運行囤積售賣不但繞越憲關且亦隱漏各捐見在趙行存有蒲包七八千捆之多以致船身謀食無從伏乞查封究辦當據海州將趙愼昌解關具結稟請受罰由淮關部念其自知悔悞不加深究姑准示罰劄飭海州銷案示禁完案

同治十三年十一月海分司于寶之詳據趙慎昌等稟稱
向在板浦開設包棧凡江運販運鹽包每於開江之先
由票販購辦齊備堆儲棧內查蒲包來源多有產自附
近百里以內如新壩龍苴沭陽高家溝袁家閘等處每
年所出土包十居五六由鄉農陸續搬售亦由包客自
邳桃購辦經過淮宿等關由船戶投報納稅後至王營
下十五里永豐口查驗銷票再三百里運達板浦儲棧
售賣票販憑行購買以備捆運改票以來相安無異乃
近年多有土豪藉端滋擾凡遇土產客販棧儲等包任
意索費稍有不遂卽串同衙役營弁甚至勾引關差擾

害不休棧等明知海隅僻壤本無稅關計離淮宿關口則皆三五百里向無遠道稽查之例况土產包多無關經過卽邳桃納稅之包關票已由永豐口繳銷土豪期無關據窺棧積包藉口擾害棧等微弱難與抗衡見屆冬寒各票販均需預備蒲包下綱捆運屢囑棧等代爲購辦土產客販等包無不鑒於前車不敢搬運叩頒告示嚴禁並請移咨海州憲一體出示嚴禁庶賣包者不致懼害裹足棧業得安等情當經批候會同海州出示嚴禁又據票販順興振等稟稱見當收買下綱蒲包不意無從收買且亦無棧敢存緣本年夏間有土棍勾串

關役越關下二百餘里到板浦詐索包棧拘押數月幾至傾家查重鹽蒲包有土包邳包名色板浦附近所出名爲土包距淮關下二百餘里向無包稅之例其邳州所出名爲邳包在宿關以上凡販運蒲包者應由船販在宿關投稅經過關卡稽查放行溯自改票以來無不遵循成例從未聞越關下二百餘里到棧房查包者乞轉詳督鹽憲賞示立案禁止需索並劄飭海州嚴禁等情據經會同海州出示嚴禁外應請咨明淮安關部查照示禁經鹽政李宗羲批准嗣於光緒元年正月淮安關部劄海分司于寶之稱上年趙慎昌私運邳宿蒲包

兩江鹽法司卷一百八
繞漏關稅已據供認不諱本關部僅予示罰完案卽係
從寬辦理且近年來蒲包一項從未納稅自此次查辦
後卽有來關投報者是其聞風知儆已有明證乃該包
棧等於結案之後又赴該分司衙門以假冒關差朦稟
該分司曾奉本關部劄飭有案亦不詳加酌核率請示
禁此後猾販奸牙益無忌憚不但蒲包一項任意繞漏
卽南北各項貨物亦必紛紛效尤於

國課大有關係應再示禁繞越並飭差不時巡查以杜偷
漏嗣經海分司于寶之稟鹽政稱淮北額運票鹽以及
江運徐岸鹽引首重蒲包附近所產土包相離淮宿等

關則皆三五百里是以無關投稅惟邳桃所產之包運往板浦必由宿關經過投稅給票由永豐口查訖驗銷三百里始達板浦儲棧以備臨時濟用此項蒲包完稅既有定例自不准其偷漏但祇能經過宿關之包方能納稅儻奸商猾販運包繞越亦惟有關部派差在途巡查以杜漏稅此係一定之理若板浦儲棧之包越關下三百里譬諸百貨已入市肆再行到棧稽查不獨已經納稅無從分辨而棍徒藉端訛詐販棧視爲畏途是適足開需索之端而貽鹽務無窮之隱害見在庚午綱存鹽無多轉瞬籌開辛未新綱一經脫包誤運實於北鹺

課項關繫匪淺經鹽政李宗義批允轉咨

光緒元年三月鹽政劉坤一咨覆准關准貴關部咨蒲包一項本係應稅之物近數年來板浦各包棧串同猾販任意繞越竟至無徵前關部任內因船戶任耀崗來轅稟控是以劄飭海州籤差協查並非無故滋擾自查辦以後蒲包一項卽有來關投報者是在前之繞漏關稅不問可知該分司不責商棧之漏稅但咎關役之稽查已屬有心袒護且到棧之包曾否納稅自以印票爲憑何得率稱無從分辨况籤派關差亦有票牌爲據又必行知地方衙門何致有棍徒藉端訛詐之事若該棧並

未漏稅從何訛詐該分司曲爲掩飾罔顧關稅殊非共
維大局之道至百貨入市如果業經納稅自無庸過問
不得因已經入市卽漏稅亦可置不問查戶部則例商
貨須直赴關口按例輸稅陸路不得繞避別口水路不
得私走支河若有船戶腳夫包送希圖漏稅等弊將奸
商船戶等分別究治地方官並予議處定例森嚴本關
部責有專司無論在途巡查及到棧稽察均爲慎重
國課起見本關部自有權衡無須該分司越俎代謀也等
因查包稅之應徵不應徵總以過關不過關爲斷大咨
所引戶部則例內開商貨須直赴關口按例輸稅陸路

不得繞避等語細繹例意所謂直赴及所謂不得繞避者明係指過關口之商貨而言若商貨不過關口則無所謂直赴與繞避矣茲板浦各棧蒲包如係邳桃所產運往該處經過貴關自應照例直赴關口投稅不准繞避其附近板浦之龍苴沐陽袁家閘等處所產土包不由貴關經過且相距甚遠自不得謂爲繞避今貴關部不於途中巡緝邳桃運往之包而籤派差役遠赴板浦各棧稽查從何辨別孰爲邳桃之包繞避關稅孰爲龍苴等處土包並非繞避關稅包既無從辨別勢必一律補罰似與所引例意相違該關役恃有護符更難保其

不有擾累又查戶部則例內載淮倉用物稅則項下註明鹽包每捆計一百箇稅一分二釐是鹽包稅則微而又微卽就淮北全綱計之每綱額行鹽二十九萬餘引每引用包四箇約該用包一百二十萬箇照此全數徵收亦不過徵稅一百數十兩爲數亦屬無幾來文所稱蒲包一項近數年竟致無徵豈以前各關部皆不知有此項包稅亦豈不知板浦爲儲包之所其所以不派差役遠赴該處稽查者自以於事體不便不欲以錙銖之利致擾肆商也見在淮北將開新綱鹽包需用孔急若包棧畏累不開客販聞風裹足竟致鹽包不敷捆運有

誤鹽運課餉此中是非得失利害輕重必能俯賜察奪
請煩查照辦理

光緒十五年正月署海分司項晉蕃覆淮關監督文稱准
照會內開淮北商運引鹽每綱需用蒲包甚鉅應由正
道運行赴關納稅不容任意繞漏茲查蒲包稅課迄無
投報檢查前兩任所徵包稅亦屬寥寥顯係肆行繞越
貴分司即便遵照查明該三場每年所用蒲包若干並
如何籌議定章以杜隱漏據實聲覆等因查淮北票鹽
每年全綱需用蒲包應完稅課銀兩光緒十一年間據
板浦場葉大使詳請總完包稅三百兩船鈔六十兩火

耗八十六兩四錢共計銀四百四十六兩四錢奉前關部恩批准照辦旋因前關部世以蒲包稅課仍欲由關徵收復經遵照在案茲准前因諭飭各票販復據稟稱淮北票鹽每年全綱運鹽二十九萬餘引每引用包四片約該包一百二十萬片惟蒲包一項雖產自邳桃而板浦附近之龍苴新壩等處均產土包邳桃之包經過淮宿等關照例輸稅而土產之包向無稅則近年鹽河水勢長落靡常趁水趕運每以土包遷就應用者居多遂致邳桃之包購用者少投報無多職是之故並非隱漏繞越所致前關憲恩任內改散爲整按綱總完以期

稅有定數無所影射辦理兩年實於商課均有裨益嗣經前關憲世復改散徵原爲慎重稅課起見而所徵之數漫無稽考轉致短絀茲奉飭議再四籌商惟有循舊總納旣杜隱漏之弊復免稽察之煩見擬於全綱三場所用鹽包約計一百二十萬片外連同添換破碎霉爛等包約用二三十萬片通計一百四五十萬片每年總納包稅四百二十兩船鈔八十兩火耗一百二十兩共計庫平銀六百二十兩屆期由販等呈繳轉解兌收嗣後板浦西壩票鹽所需之包無論陸運船運稅已總完懇請轉詳關憲通飭各口一體遵照經過淮宿等關卽

由分司衙門給發護照投驗放行等情敝分司查該販
擬請每年總納包稅共計庫平銀六百二十兩核與貴
前關部恩任內所定總完包稅之數已據加增一百數
十兩似於關稅鹽運兩有裨益再敝分司承辦江運鹽
引每年需用蒲包約計二三十萬片並擬每年總完包
稅八十兩船鈔二十兩火耗二十四兩共庫平銀一百
二十四兩俟屆期當連同各票販每年應完包課銀兩
一併照數批解均經淮安關部照會准行嗣准照會以
本年四月十一日係關期屆滿所有各票販暨江運棧
總繳稅銀著於四月十一日以前分別清解以便彙數

旋奉督鹽院劄准永遠立案

謹按以上淮安關蒲包包稅

兩淮鹽法志卷一百八